



SOHBAH OLEH HADRAT SHEIKH MUHAMMAD MEHMET ADIL AL- HAQQANI

THE DOOR OF REPENTANCE

*Assalamu Alaykum wa Rahmatullah wa Barakatuh,
Auzu Billahi Minashaytanir Rajeem. Bismillahir Rahmanir Raheem,
Wassalatu Wassalamu ala Rasulina Muhammadin Sayyidul Anwwalin wal Akhbirin,
Madad Ya Rasulallah, Madad Ya As'habi RasuLillah, Madad Ya Mashayikhina,
Sheykh Abdullah Daghestani, Sheykh Nazim al-Haqqani. Dastur.
Tariqatunas sohba, wal khayru fil jamiyya.*

Allah ﷻ mencipta manusia dan mereka sering buat kesalahan di iringi dengan taubat kepada Allah. Allah ﷻ akan terima taubat nya. Inilah dasar perbezaan antara manusia dan malaikat. Malaikat adalah suci murni dan tidak melakukan dosa. Mereka beribadat kepada Allah dan tidak melakukan dosa.

Manusia akan mengikut contoh malaikat atau syaithan. Syaithan tidak akan berbuat baik dan sentiasa berderhaka kepada Allah ﷻ. Tidak seperti Malaikat yang sentiasa beribadat dan mematuhi perintah Allah ﷻ. Syaithan akan terus menerus hidup dalam penderhakaan dan tidak mematuhi perintah Allah ﷻ.

Jika manusia mematuhi perintah Allah ﷻ maqam mereka lebih tinggi daripada Malaikat kerana manusia berusaha untuk melawan dan menghancurkan hawa nafsu ego nya dan mereka sedaya upaya mematuhi perintah Allah ﷻ. Jika mereka ikut hawa nafsu ego nya mereka akan tergolong bersama syaithan. Syaithan bertopengkan Manusia adalah lebih dahsyat daripada Syaithan, Nauzubillah min dzalik.

Sepertimana yang kami nyatakan, Allah ﷻ mencipta manusia yang sering buat salah. Jika manusia mengakui kesalahan mereka dan membetulkan nya, mereka akan dapat pahala 10 kali ganda kerana Allah ﷻ mengampuni bila mereka kembali ke pangkal jalan. Allah ﷻ mencipta manusia untuk mengampuni dosa mereka. "Bertaubatlah kepada Ku. Sesiapa yang berdosa harus mohon keampunan supaya Aku mengampuni mereka, lantas aku akan masukkan mereka dalam belas kasih sayang dan rahmat aku."

Walaupun mereka tidak bertaubat, Allah ﷻ akan memerintahkan Malaikat supaya tidak menulis dosa itu. Allah ﷻ akan menyuruh Malaikat menunggu sekadar 7-8 jam atau dalam masa 1 hari. Jika dalam jangkamasa tersebut mereka tidak bertaubat maka baru lah dosa nya akan di tulis. Maka dosa tidak akan ditulis dengan serta merta. Bila manusia buat baik ia akan di tulis serta merta, malah ia akan di tulis dengan pahala 10 kali ganda.

Bila mereka berdosa, Allah ﷻ tunggu seketika, supaya manusia boleh berfikir dengan waras dan bertaubat. Jika mereka tidak bertaubat, Allah tidak akan tulis dosa nya



SOHBAH OLEH
HAD RAT SHEIKH MUHAMMAD MEHMET ADIL AL- HAQQANI

10 kali ganda, tidak seperti kebaikan. Walaupun dosa sudah ditulis, mereka boleh bertaubat bila masa hingga ke akhir hayat mereka. Sesungguhnya Allah ﷻ mengampuni mereka dan Allah boleh mengubah dosa dosa itu sebagai kebaikan.

Pintu keampunan dan taubat Allah terbuka luas sekali. Allah berfirman hingga matahari terbit dari barat barulah pintu bertaubat tutup. Tetapi sekarang ia buka. Bila anda melakukan dosa, bertaubatlah dengan kadar segera. Pada hakikat nya kita perlu bertaubat dan mohon keampunan setiap hari atas kesalahan yang kita laku dengan penuh pengetahuan atau tanpa pengetahuan kita.

Sesungguhnya Junjungan kita Rasulullah ﷺ bertaubat 70 kali sehari. Marilah kita mengikut perintah dan nasihat junjungan kita Rasulullah ﷺ. Moga dosa kita di ampuni.

Wa Minallah at-Tawfeeq.

Al-Fatiha.

Hadrat Shaykh Muhammad Mehmet Adil

9 January 2016 / 29 Rabiul Awwal 1437

Akbaba Dargah, Sabah Namaz